



Universitätsbibliothek Paderborn

**Iacobi Llobetii Leodiensis E Societate Iesv. Specvlvm
Ecclesiasticorvm, Ac Religiosorvm.**

Llobet de Lanthin, Jacques

Leodii, 1640

§. Primus. Sitne in Ecclesia verum Ordinis Sacramentum?

[urn:nbn:de:hbz:466:1-47105](#)

86 SPECVLVM ECCLESIASTICORVM,
effusa vini copia , & varius ciborum apparatus ;
quam liberalis, & innocua modestia condiebat. Id
epulum, & quæ ex eo fluebat honestissima, ac suavis
reliquæ diei hilaritas, à D. Chrysologo nominatur
Sacerdotum gaudia. A D. Leone *communis lœtitia*
appellatur : ita ad omnes omnino fideles illius diei
festiuitas emanabat. Ut ab illis ad te etiam deriuari
patiaris, vrget ipsa dies sabbathi, quæ te primum Sa-
cerdotem, nouamque in Christo creaturam vidit,
suspexit, amauit.

CAP V T V.

De Sacramento Ordinis.

IN hoc argumento duo mihi tractanda propo-
sui. Primum sitne in Ecclesia verum ordinis Sa-
cramentum ? tum quis ordinum numerus, & quæ
numeri ratio ?

§. PRIMVS.

Sitne in Ecclesia verum Ordinis Sa- cramentum ?

In Lib. de
Cap. Ba-
byl. c. de
Ordine.

IVtherus, qui ab ordine suo transfuga discesse-
rat, & in immane chaos, confusionemque
perditæ mentis totus excesserat ; insolenti, temera-
rioque ausu negavit ordinem inter Ecclesiæ Sacra-
menta reponi oportere.

Caluinus

Caluinus, etsi plerisque in locis duo tantum Sacra-
menta statuisse videatur, Baptismum, & Cœ-
nam: tamen libro quarto Institutionum, agnoscit c. 14.
Ordinationem esse Sacramentum, verum illud
quidem, non tamen fidelibus omnibus commune.

Ego cum hoc, aut illo congregari nolim, nec enim
cum hæreticis contendere hoc loco fuit animus,
sed tantum libellum pium meditari, & excudere.

Quod ut assequar, id statuo, quod inter Catholi-
cos extra controversiam est. Ordinem esse verum
Sacramentum.

Illud probat, euincitque ratio; est enim symbo-
lum, seu ritus externus annexam habens promissio-
nem gratiæ, & quidem ex mandato, atque institu-
tione diuina: quæ tria ad verum Sacramentum &
requiri, & sufficere in confessio est apud omnes. Pro
ritu, symbolo ex externo habes manuum imposi-
tionem, de qua Apostolus ad Timotheum. *Cum 1. c. 4.*
impositione manuum Presbyterij.

Pro diuinæ gratiæ pacto, certaque promissione
spondet idem Apostolus dum ad eundem Timo-
theum ait. *Admoneo te ut resuscites gratiam Dei,*
que est in te per impositionem manuum mearum.

Pro mandato, diuinaque institutione illud acci-
pe, quod in actis Apostolorum habes. *In quo vos Att. 20.*
Spiritus Sanctus posuit Episcopos.

Ad hanc illius Sacramenti institutionem addi-
potest

88 SPECVLVM ECCLESIASTICORVM,
potest ipse sensus Ecclesiæ iam inde à prima origi-
ne: legetur ille è Sanctis Patribus , è quibus duos
tantum produco.

D. Chrysostomus facunda vt soler mente , au-
reoque calamo , libro tertio de Sacerdotio hæc scri-
psit ad illius ordinis fidem , ac maiestatem .

*Sacerdotium in terra peragitur, sed in rerum cœ-
lestium classem, ordinemque referendum est. Atque id
perquam merito , quippe non mortalis quispiam , non
Angelus , non Archangelus , non alia quævis creato-
potentia; sed ipse Paracletus ordinem eiusmodi instituit.*

Agnoscat hic Lutherus , & suspiciat Sacerdotij
characterem , & gratiam , cuius artifex est ipsa Dei
potentia , quæ vna hunc ordinem orbi nostro effer-
re potuit , damnataque ignauiam , imo , & perfidiam
suam , qua hanc à se muneric olim impositi digni-
tatem abiecit , fœdèque per errores suos prostituit .
Sed ne longius , è Sanctis Patribus vnum adhuc au-
diamus , is erit D. Gregorius , à rebus præclarè gestis
omnino magnus , qui hoc de ordinis gratia protu-
lit testimonium .

L. 4. Reg. c. 5. *Is qui promouetur benè foris vngitur , si intus
virtute Sacramenti roboretur .*

Denique pro coronide adjicio Concilij Tridentini definitionem , ac decretum , quo dicitur anathema ei , qui ordinationem aut negarit esse Sacramen-
tum , aut figmentum quoddam humanum esse
pronuntiarit .

Mitto cætera, quæ eam in rem fusius inter se dis-
putant Theologi.

²⁰ Quis autem è septem ordinibus in Sacramentis
reponendus sit? Alterius est fori, & scholæ Theolo-
gicæ, cui relinquo; quia h̄c nō ago Theologum, sed
ea tantum quæ ad mores conducunt, sequor; id ta-
men affirmo paucis; quod communi Doctorum
calculo constitui solet.

Sacerdotium, Diaconatum, & Subdiaconatum
esse Sacra menta, ideoque inter maiores, & sacros
ordines numerari.

De alijs autem sua sit inter Theologos lis, atque
contentio, ego in præsentia ijs consultò supersedeo;
quia ad meum institutum nihil conferre videntur.

§. 2

*Quot sint Ordines, & unde petatur
eorum numerus?*

Communis Doctorum sententia septem re-
censet hac serie. Ordo Sacerdotij, Diaconatus,
Subdiaconatus, Acolyti, Exorcistæ, Lectoris, Ostiarij.

Si ex me quæras unde desumatur ea series, is nu-
merus ordinum? audies quod in quæstione non
absimili olim Iudei audierunt. Agitabatur inter fi-
deles ea quæstio, deberentne gentiles Christiani
circumcidiri, legemque Moysis obseruare? coactum
super ea re Ierosolymis concilium, anno à Passione

M

Christi